



JU Zavod za bolesti ovisnosti Kantona Sarajevo, sa sjedištem u ul. Bolnička 25, 71.000 Sarajevo, zastupano po direktoru Doc. dr sci med. Nermana Mehić Basara (u daljem tekstu: Zavod)

i

JU Terapijska zajednica Kampus Kantona Sarajevo, sa sjedištem u ul. Iznad sela Kešelji bb, Rakovica, 71.000 Sarajevo, zastupano po direktoru Mr. Kenan Kestendžić (u daljem tekstu : Kampus)

zaključili su dana.....13. 04. 2016. godine

UGOVOR O STRUČNOJ SARADNJI

I UVODNE ODREDBE

JU Zavod za bolesti ovisnosti Kantona Sarajevo (u daljem tekstu Zavod) je javna zdravstvena ustanova specijalizirana za tretman bolesti ovisnosti, koje su subspecijalistička grana psihijatrijskih disciplina.

Prema specifičnosti djelatnosti kojom se bavi, Zavod je ustanova od posebnog društvenog interesa, jer od osnivanja 1977. godine u kontinuitetu provodi programe prevencije, ranog otkrivanja poremećaja ponašanja vezanih za upotrebu/zloupotrebu psihoaktivnih supstanci, kao i programe liječenja i rehabilitacije ovisnika o navedenim supstancama. U radu Zavoda, poseban značaj se daje intersektorijalnoj saradnji sa svim ustanovama koje imaju interes za oblast zloupotrebe droga i bolesti ovisnosti.

Sa otvaranjem Odjeljenja za narkomaniju, 29. septembra 2000. godine, Odlukom Vlade i Skupštine Kantona Sarajevo, Zavod za alkoholizam i druge toksikomanije, rekonstituiše se u javnu zdravstvenu ustanovu Kantona Sarajevo. U aprilu 2014. godine, u skladu sa Zakonom o zdravstvenoj zaštiti FBiH („Službene novine FBiH“, broj 46/10), Skupština Kantona Sarajevo donosi Odluku o preuzimanju prava i obaveza osnivača („Službene novine Kantona Sarajevo“, broj: 15/14), a februara 2015. godine izvršen je upis subjekta u sudski registar (broj 065-0-Reg.-14-001997) pod novim nazivom.

JU Terapijsku zajednicu Kampus Kantona Sarajevo osnovala je Skupština Kantona Sarajevo 2003.godine, a predviđena je za smještaj i tretman 30 muških ovisnika o psihoaktivnim supstancama. Prvi korisnici su primljeni 01. jula 2007. godine. Ovo je prva terapijska zajednica u Bosni i Hercegovini iza koje, kao utemeljitelj, stoji država. Cjelokupni tretman u Kampusu sastoji se od rezidencijalnog i nerezidencijalnog dijela. Rezidencijalni dio tretmana okvirno traje 12 mjeseci i sastoji se od tri faze. U narednom periodu planirano je da Kampus bude ustanova za izvršenje sigurnosne mjere obaveznog liječenja od ovisnosti.

Ovaj Ugovor proizilazi na osnovu zaključaka donesenih na sastanku održanom 22.03.2016.god. između predstavnika Zavoda i predstavnika Kampusu.

II SARADNJA UGOVORNIH STRANA

Član 1.

Predmet Ugovora je stručna saradnja vezana za djelatnost kojom se ustanove bave, a treba da se provodi u duhu uzajamnog poštovanja i tolerancije.

Član 2.

Strane su saglasne da međusobno usko saraduju u smislu pružanja zdravstvenih usluga ovisnicima o psihoaktivnim supstancama kao i usluga podrške programu rehabilitacije i resocijalizacije sa ciljem postizanja dugoročne apstinencije i ostvarivanja što boljeg kvaliteta života.

Član 3.

Predstavnici Zavoda se obavezuju da će motivisati pacijente za odlazak u Kampus nakon provedenog Programa detoksikacije na Odjeljenju za liječenje narkomanije.

Član 4.

Stručni tim Odjeljenja će identificirati pacijente koji su motivisani za odlazak u Terapijsku zajednicu i istima omogućiti razgovor sa predstavnicima Kampusu, pri čemu se mora poštivati princip zaštite personalnih podataka u skladu sa **Zakonom o zaštiti osoba sa duševnim smetnjama i Deklaracijom o ljudskim pravima**.

Član 5.

Zavod će omogućiti individualni rad predstavnika Kampusu sa pacijentima Odjeljenja u toku programa detoksikacije, ukoliko su pacijenti sa tim saglasni.

Član 6.

Kampus se obavezuje da će na informativne sastanke upućivati svoje predstavnike (najviše dva) koji su kvalifikovani i ovlašteni za saradnju, a istima će prisustvovati i jedan zdravstveni saradnik Odjeljenja (dipl. socijalni radnik).

Član 7.

Termin za održavanje informativnih sastanaka pacijenata sa predstavnicima Kampusu, koji će se održavati jednom mjesečno, biće **svaki prvi ponedjeljak u mjesecu od 14:30 do 16:00 h**.

Član 8.

Ustanove se obavezuju da će odgovarati na sve pozive vezane za tretman pacijenata, a posebno u slučaju recidiva, psihičkog pogoršanja ili drugih problema.

Član 9.

Obe strane su saglasne da se usmena evaluacija radnih aktivnosti u kojima učestvuju predstavnici Zavoda i Kampusu, obavlja jednom mjesečno, a svaka tri mjeseca, Kampus će dostavljati pismeni izvještaj o napredovanju rehabilitacionog programa za svakog pacijenta.

Član 10.

Obe ustanove su saglasne da razmjenjuju podatke usmeno, pismeno i elektronski, te da se sve aktivnosti uredno dokumentuju, uz obavezu godišnje evaluacije sveukupnog rada.

Član 11.

Ugovorne strane su saglasne da će se striktno pridržavati dogovorenih termina i poštovati Pravila i Terapijske programe Odjeljenja za narkomaniju.

III ZAVRŠNE ODREDBE

Član 12.

Ugovor se zaključuje na 12 mjeseci .

Član 13 .

Ugovor može prestati u svako vrijeme saglasnošću ugovorenih strana.

Član 14 .

Ugovor stupa na snagu danom potpisivanja od strane ugovorenih strana.

Član 15 .

Ugovor je sačinjen u 2 (dva) istovjetna primjerka od kojih svaka strana zadržava po jedan primjerak .

Za TZ Kampus
Direktor

Za Zavod
Direktorica

Doc. o

isara

Sarajevo,

Sarajevo, 13. 4. 2016. god

Broj protokola: 35-01-05-403/16

Broj protokola: 0202-298/16

13. 04. 2016.